

ITINERA
CONSTANTINOPOLITANVM
ET
AMASIANVM

AB

Augerio Gislenio Busbequio ad Soliman-
num Turcarum Imperatorem C. M.
Oratore confecta.

*Eiusdem BUSBEQVII de re militari con-
tra Turcam instituenda consilium.*

ALTERA EDITIO.



ANTVERPIÆ,
Ex officina Christophori Plantini.
CLD. MDLXXVII.

AUGERII GISLENI

A BUSBEQVIO

Itinera Constantinopolitanum & Amasianum.



QUOD tibi discedens promiseram, fore, ut de toto itinere meo Constantinopolitano certior à me fieres; in eo fidem liberare volo. & quidem, ni fallor, liberabo cumulatè. nam, ad iter Constantinopolitanum, accedet Amasianum; illo haud paulò minus tritum minùsque vulgare. Tu, si qua mihi iucunda euenisse intelliges, tuam partem voluptatis feres; quòd pro veteri necessitudine nostra nihil habeam quod mihi non sit commune tecum. sin qua euenerunt, quod in tanta itineris magnitudine & difficultate fuit necesse, molestiora; nihil ad te pertinere iudicabis; quòd ea praterita, quo fuerunt in experiundo grauiora, eo mihi ipsi nunc fiant recordatù iucundiora. Non te fugit cùm essem ex Anglia domum reuersus, à Regis Philippi & Reginae Mariae nuptiis, vbi fueram inter comites Don Petri Laspi, quem honoris causa eò Romanorum Rex Ferdinandus dominus meus clementissimus, legauerat, quemadmodum idem Ferdinandus me per litteras ad hoc iter euocarit. quas cùm Insulis 111. Nouembris accepissem; tantum mora interposui dū ad Busbequium destiterem, patrique & amicis valedicerem. inde factò per Tornacum itinere mox Bruxellam properavi. Bruxellæ conueni ipsum Don Petrum; qui currenti, quod aiunt, calcas addidit, Regis ad se litteris ostensis, quibus ei mandabat ut

A 3 mibi

EIVSDEM
BVSB EQVII
secunda
IN
THRACIAM
profectio.